



Fernand ETGEN  
President vun der  
Deputéiertechamber  
19, um Krautmaart  
L-1728 Lëtzebuerg

Lëtzebuerg, den 06/11/2020

**Här President,**

**Sou wéi den Artikel 83 vun eisem Chambersreglement et virgesäit, bieden ech Iech, dës parlamentaresch Fro un de Minister fir Mëttelstand weiderzeleeden.**

Duerch een Accord tëscht der Fédération des Artisans, dem OGBL an dem LCGB gouf 2015 an engem Règlement grand-ducal festgehalen, dass 0,5% vun der Masse salariale annuelle un d'Centres de compétences bezuelt gëtt, fir esou Formatioune fir d'Handwierksbetriber ze finanzéieren.

An deem Zesammenhang wéilt ech dem Minister dës Froe stellen:

1. Verschidde Formatioune gi vun de Centre de compétences proposéiert, am Endeffekt dann awer net organiséiert, wéll eng gewëssen Unzuel u Participanten net erreecht ka ginn.
  - Wat ass d'Mindestzuel un Léit, déi sech mussen mellen, fir dass eng Formatioun organiséiert gëtt?
  - Wéi steet de Minister zu der Iddi, dass verschidde Formatioune, och wann se déi néideg Unzuel u Participanten net erreechen, no enger gewëssen Zäitspan awer organiséiert ginn, falls sech eenzel Léit ëmmer erëm fir dës Formatioune ageschriwwen hunn?
2. Zum **Neistart Lëtzebuerg** gehéiert och een ökologesche Volet. Esou solle Privatléit vu méi héije Subventiounen kënnen profitéieren, wann si d'Energieklass vun hirem d'Haus oder hier Wunneng wellen opbesseren, zum Beispill duerch eng verbessert Isolatioun.

Ginn an dësem Kader scho Formatioune fir Handwierksbetriber organiséiert?  
Falls jo, wéi eng? Falls nee, firwat net?



Mat déiwem Respekt,

A handwritten signature in black ink, consisting of several fluid, overlapping strokes that form a stylized, somewhat abstract shape.

GOERGEN Marc  
Député

